

# اسم الله الرؤوف | #أسماء\_الله\_الحسني | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كلها ولكل الملك كلها وبيدك الخير كلها واليک يرجع الامر كلها. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين.

اما - 00:00:22

بعض اخواني واحبابي في الله هنتكلم النهاردة بازن الله هنبدأ في اسم من اعظم اسماء الله الحسني. اسم كلنا محتاجينه يا جماعة. هنتكلم النهاردة عن اسم بيطمعك. بيطمعك في فرج ربنا حتى لو انت ما تستاهليش. بيطمعك في رحمة ربنا حتى لو انت ما

تستاهليش ناس كتير قوي - 00:00:42

قل له ادع ربنا، يقول لك بس اصل انا ما استاهليش ، اصل انا وحش. اصل انا باعسي ربنا على طول. الاسم ده بيخليلك تطعم في فرج ربنا. حتى لو انت ما تستاهليش - 00:01:02

بيخليليكي تطعمي في كرم ربنا. وفتح ربنا ومدد ربنا حتى لو انت شايقة ان انت ما تستاهليش. اسم جميل قوي يا جماعة. الاسم النهاردة ده بيبشر كل مريض بالاكتئاب النفسي. الاكتئاب ده مش الضيق النفسي. انت ممكن تتضايق شوية وواحدة صاحبتك تتصل بك ولا واحد صاحبك يفوت عليك ولا - 00:01:12

يجي لك ماتش كورة تفك. الاكتئاب يا جماعة ان ما فيش حاجة بتخلி الواحد يفك نسأل الله اليقين والعافية. وربنا يشفى جميع المبتلين يا رب. الابتلاء ده يا جماعة زي واحد ايده اتقطعت كده - 00:01:32

فواحد قبل كده ايده اتخدشت وراقت فبيقول له انت هتبقى كويس لا. ايده اتقطعت دي عايزه قدرة بقى من ربنا كبيرة او عشان يرجع انسان تاني يتبسط بيعرف يفجع بيعرف يبقى عنده شهوة لحاجة بيعرف يبقى نفسه في اي حاجة. الاسم - 00:01:42

باتع النهاردة بيبشر كل واحد مريض بالاكتئاب النفسي. كل واحد عنده قلق وتوتر او نوبات هلع او فزع او احساس نفسي رهيب كل واحد من بلحظات سودا في حياته. اسم الله الرؤوف. اسم الله الرؤوف يا جماعة. اسم الواحد حاسس به او عياليومين دول. اسم بيكلم كل واحد - 00:02:02

عايش في مشقة او في الام او كل واحد عايش في معاناة الاسم ده بيكلم الطبقات الكادحة في الشعب. الطبقات المطحونة مهمشة. بيكلم الناس اللي عايشة تحت خط الفقر. اسم الله الرؤوف بيكلم الناس اللي عايزه تتحرر عندها خواطر انتشارية. وعايشة في عذاب نفسي اليه اسمه - 00:02:22

والله الرؤوف بيكلم الناس اللي عندها اكتئاب واللي عندها توتر وفزع وهلع. اسم الله الرؤوف بيكلم الناس اللي بتعاني في حياتها واللي عندها مشاكل واللي بتمر بازمات سوداء في حياتها اسم الله الرؤوف بيبشر كل دول. اسم الله الرؤوف للبي حاسس انه ما يستاهليش للمكسورين. للبي - 00:02:42

على وشك انهيار عصبي خلاص من كتر الضغوط اللي عايش فيها. للمقهورين اسم الله الرؤوف. للانسان اللي الماضي بتاعه وحش او عيالي او عايز ارجع لربنا وبيفكر يا ترى هيقبلني ولا مش هيقبلني ؟ اسم الله الرؤوف لكل واحد بيحب ربنا عشانك يا رب. عايز يتقدم الاهوال. عايز - 00:03:02

ال حاجات فوق طاقته وفوق احتمال جسمه. ولكن مش قادر ولكن مصمم انه يتقدم الاهوال. عشان ربنا اسم الله الرؤوف اسم جميل

اوي اوبي اوبي اسم ضد المعاناة. يا جماعة واحنا بنتكلم عن الرؤوف عايزيين نتكلم ان مهما قلنا عن اسم الله الرؤوف. احنا مش هنقدر نوصف فوق رأفة الله زي ما - 00:03:22

عليه الصلاة والسلام قال لا احصي ثناء عليك. ما اقدرش يا رب. ما اقدرش اوصف رأفتكم قد ايه. ولا رحمتك قد ايه؟ ولا قوتكم قد ايه. ولا عظمتك قد ايه؟ ولا - 00:03:44

جلالك قد ايه؟ ما اقدرش يا رب يا شباب. يا جماعة كم ملك الوقتي في السماوات مهول؟ وكم ملك في الملا الاعلى ما نعرفش عنه حاجة. كم حدس مذهل - 00:03:54

ايه دلوقي بيحصل في الكون وال مجرات ما نعرفش عنه حاجة! يا جماعة كم مخلوق لله عظيم! في السماوات والارض ما نعرفش عنه حاجة كم صنف من اصناف النعيم اللي يفوق الخيال والتصور البشري ما نعرفش عنه حاجة. كم قصة من قصص لطف الله وفرج الله بتحصل الوقتي في الارض. وفي السماوات - 00:04:04

السبعة وفي الكون ما نعرفش عنها حاجة. يا جماعة رأفة ربنا فوق اي تخيل وعظمة ربنا فوق اي تخيل. عشان كده مجرد معرفتك لله بتحل مشاكل حياتك وانت مكانك. مجرد معرفتك لله، ما تفكريش انت بتطلبي ايه. فكري انت بتطلبي من مين؟ ساعتها هتطلبني اي حاجة. ما تفكريش انت بتستغفر من - 00:04:24

كبير قد ايه؟ فكر انت بتستغفر اللي رحمته واسعة قد ايه. ما تبصيش لزروفك وانت واقفة على بابه. بصي لقدرته. سبحانه وتعالى يا جماعة بيسموها اعظم ام مضحية في العالم. انشي الاخطبوط بتفقسى خمسين الف بيضة. وبتفضل واقفة - 00:04:44

ست شهور ما بتاكلش ما بتسعاش على رزقها ليه؟ خايفه ان يتاكلوا لو هي راحت في اي مكان. بتفضل ست شهور ما تاكلش جعنة لآخر نفس في حياتها اول ما البيض بتاعها بيفقسى هي بتموت من الجوع لآخر نفس في حياتها. ده ده ايه؟ ده ده رأفة مخلوق. رأفة ام بولادها. امال رأفة - 00:05:04

الخالق امال رأفة اللي خلق الرأفة. امال رأفت ده الام تبص لابنها ابنها الدموع نزلت من عين الام قلبها يتشرخ مهما كان ابنها غلطان سامحه وتعفو عنه دي رأفة مخلوق. اللي حط الرأفة في قلبها بك هو ربنا الرؤوف. امال رأفة الخالق الناس كلها مبهورة دلوقي - 00:05:24

ودكتور محمد مشار الله يرحمه بعد حوالي خمسة وسبعين سنة قضى منهم خمسين سنة بيعالج الفقراء لما شاف واحد طفل ينتحر لان امه ما عهاش تمن حقنة الانسولين. فيبوفر تمن العيش والطعمية والعشاء لاخواته. فولع في نفسه دكتور محمد مشار وهو لسه متخرج من الكلية خده في حضنه - 00:05:44

بيحاول ينقذه والولد مات محروق في حضنه. بيقول انا اتحطمت نفسيا وقررت ان انا انزل حياتي للقراء. رأفة قال خلاص انا مع اعود هعيش حياتي كلها ارافق بالقراء. اسأل الله ان يتقبل منه الخمسين سنة. بما فيهم ويعفو عن سبئاته يا رب. قال انا هعيش حياتي للقراء. دي رأفة مخلوق يا جماعة - 00:06:04

اماالي حط الرأفة في قلب محمد مشاري. امال اللي حط الرأفة في قلب كل دكاترة الغلابة. امال اللي حط الرأفة في قلب كل اللي عمله وجمعيات خيرية في الارض. كل اللي بيجرروا وبيطلعوا قوافل خيرية في حلايب وشلاتين والمخيימות بتاعة اللاجئين في العالم. امال اللي - 00:06:24

الرأفة في قلب الشباب اللي بيجرروا عشان حقن العلاج الكيماوي للاطفال اللي بيموتوا بالسرطان. اللي تمنها بيعدي الميت الف جنيه وبيلفوا الدنيا عشان يلموها اومال اللي حط الرأفة في قلب الشباب اللي بيستكشفوا الاسر الفقيرة ويوصلوا لها في الصيف والشتا والبرد والتلज امال اللي حط الرأفة في قلب كل - 00:06:44

كل اللي بيعملوا الاعمال الخيرية الله الرؤوف سبحانه وتعالى. يعني ايه ربنا الرؤوف؟ يعني ايه ربنا الرؤوف سبحانه وتعالى؟ عايزيين نعيش النهاردة مع الاسم ده النهاردة هتعلّم النهاردة وبازن الله وفي السلسلة بتاعة اسم الله الرؤوف. لاني مش هقدر اتكلم في مرة

واحدة. ده انا النهاردة هاكلمكم عن معنى اسمه الله الروفوس. بازن الله بس - 00:07:04

ويا رب نقدر نتكلم عنه. النهاردة هنتكلم عن المعنى بس. انما لسة بقى ايه هو مدى رأفة ربنا في الكون وازاي ان ربنا رؤوف في حياتنا مرة تانية ان شاء الله. ايه الفرق بين الرأفة والرحمة والرؤوف والرحيم؟ ده دي حاجة تالتة بازن الله. نعمل ايه ونثال رأفة الله ازاي؟ وندعو الله باسمه اللي نرعوه فيه ازاي - 00:07:24

دي وقفه رابعة بازن الله. انا النهاردة عايز اقف بس مع يعني ايه الرؤوف يا جماعة؟ فتش عن الرؤوف في حياتك. فتش عن الرؤوف في كل نجاح في حياتك انت - 00:07:44

بقى دلوقتي كلية اللي انت خدتها فاكر مادة مادة؟ نص المواد انت كان المفروض تسقط فيها صح ولا لأ؟ نص اللجان الشفوي اللي انت دخلتها نص لجان اللي انت دخلتها في الكلية العملية بتاعتك انت كنت المفروض تصطفي فيها. كتير اوبي من الامتحانات العملية اللي انت دخلتها كنا واقفين قدم باب اللجنة فاكر وكنا بنقول احنا - 00:07:54

ساقطين ساقطين لو دخلنا الوقتي التسهيل عليك يا رب. مين اللي سهلها لك؟ لو كان ربنا عاملك بالأسباب في الشهادة اللي انت خدتها. وفي الجواز وانت لو كان ربنا عاملك بامكانياتك واسبابك. لو كان ربنا عاملك في كل نجاح في حياتك بامكانياتك واسبابك. وما ادكش تساهيل من عنده. وما جابهاش من عند - 00:08:14

وجمال يعني ايه الرؤوف يعني هاتها من عندك جمايل يا رب. يعني ايه التسهيل من عندك يا رب. يعني ما تعاملنيش بامكانياتي يا رب ارحم ضعفي ارأف بضعفي. ارأف بنقصي يا رب - 00:08:34

قدر زرافي يا رب ربنا سبحانه وتعالى والله يقدر الليل والنهر. يعني ايه الرؤوف يا جماعة؟ يعني تخيل انت كده فتش عن الرؤوف في كل نجاح نجحت به النجاح ده له رأفة ربنا ما كنتش نجحت به. رسالتي الماجستير ولا الدكتوراه لولا ربنا قيد لك اللي يساعدك فيها. كنت مشيت بالطريقة ديت. فكر في كل - 00:08:48

كل حاجة فكر في كل زرف في حياتك لولا ربنا اداك حاجات يسرت وسهلت لولا التسهيلات الربانية ما كنتش قدرت. فتشي عن الودود في كل لحظة في حياتك. فتشي عن الودود لما جا لك اكتتاب وووتفتي تصرخي له. ونقصك منه. فتش عن الودود. لما الدنيا كلها اسودت في وشك - 00:09:08

وخلال وانتهيت وكدت انك انت تنهاز وترفع الراية البيضا في الحياة وتسقط صريح الاكتئاب النفسي. فاكر ربنا عمل معك ايه فاكر عشان كده اسم الله الرؤوف بيخليلك ترضي عن الله. ليه؟ لانه ياما نفس عنك ياما كنت خلاص انتهيت ثم بعثناكم - 00:09:28  
من بعد موتك يا مات اكلينيكيا. ياما قيمتك في حياة الناس انطفت. ياما خلاص كنت ضعف وانتهيت. ياما كنت تاجر امتى اتحطم في السوق والديون تراكمت عليك. ياما كنت واحدة خلاص انتهيت واتطلقت ومستقبلك ضاع. ياما كان ياما عديت بقى زمان - 00:09:48

الرؤوف ما سابكش. الرؤوف رأف بحالك وقومك على رجليك تاني. سبحانه وتعالى. الرؤوف فتش عن الرؤوف. عشان كده اسم الله اسم بيتضمن معنى الحب. اصل انا هارأف باللي قدامي ليه؟ لو انا ما باحبوش لازم يبقى في قلبي عواطف. عشان احس باللي قدامي. عشان اقدر ضعف اللي قدامي - 00:10:08

بيبي عشان احس بمعاناة اللي قدامي ولله المثل الاعلى. احنا لما بنتكلم على الالفاظ البشرية مش لازم يبقى نفس اللفظ انا قصدي فيه في التعامل مع الله. انما انت انا باقرب لك يعني ايه الرؤوف؟ الرؤوف بيقول لك ربنا بيحبك قد ايه؟ حب الله للعبد قد ايه؟ عشان يبقى قلبك جامد في الحياة. انت لك - 00:10:28

رب رؤوف لك رب رؤوف اmek لما بتلاقيك في ازمة بتصعب عليها. يا ابني والله على عيني ان انا اشوفك في الازمة دي. يبقى قلبها هيتفطر عليك بس هي مش قادرة تعمل حاجة. عشان كده ربنا قال رحمة بينهم. ما قالش رؤفاء بينهم. اصل الرحمة انا ممكن ارحمك. انا انا ممكن يبقى - 00:10:48

قلبي مشاعر رحمة انما الرأفة دي ان انا لازم اقف في ضهرك. لازم اسندك لازم اتدخل. ففي حاجات كتير جدا البشر ما يقدروش يعملوا

بعض فيها حاجة. ما نقدرش نبقى رفوى - 00:11:08

بيتنا غير انك انت لو عشت في ازمة كل واحد حواليك ده انت تتجنن. ده انت يجي لك انهيار عصبي. ده انت يجي لك اكتئاب ما لوش حل الا ان يشاء الله. لو عشت مع معاناة - 00:11:18

اخوك واختك وصاحبتك ووالدك ووالدتك وجيرانك ده انت لو عشت مع معاناة الناس كلها وهم الناس وهم الفقرا وهم التلاتة الخيار اللي في العالم تحت خط الفقر وهم اللاجئين. وهم وهم ده انت تموت فيها. ما نقدرش تستحمل نفسيا وعصبيا. عشان كده الرؤوف بالالاف واللام هو اللي يقدر يرقص - 00:11:28

بالبشر هو اللي يقدر زروفك وضعفك وحالك. هو اللي عالم بك الوقتي. هو اللي مش هيسيريك اسم الله الرؤوف. به الشرك بيبشرك. اسم الله الرؤوف بيبشرك يا كل واحد مكتتب مهموم مغموم. يأكل واحد بيعدى بلحظة سودا في حياته. ياه - 00:11:48  
اصل الرأفة يا شباب ضد القسوة الرأفة ضد الحسم. الرأفة ضد ان ان انسان يقسوا عليك. الرأفة دي احيانا احيانا انت لا تحتمل في حياتك غير الرأفة احيانا احيانا انت بيعدى عليك لحظات في حياتك مش قادرة هتنهاري - 00:12:08

جاي واحد يعاتبك والله ما قادرة استحمل منك كلمة. انا بنهار. انا ما استحملش الوقت غير الطبطبة. انا عايزه حضن انا عايز حد ياخدني في حضنه. انا عايز حد يطبّب على. انا عايزه حد يستوعبني. انا عايزه حد يحتويني مرة بكلم واحد. في مشكلة بينه وبين واحد في المسجد - 00:12:31

والله العظيم هايع من طولي. هنهار لو كلمتونا اكتر من كده. خلاص حسيت انه وصل خلاص. بينه وبين القاع لحظة سبناه رأفة به الله يرحمه هو ده اسم الله الرؤوف هتحتاجه في اللحظة دي. عارفين لما اب يدي لابنه دواء والواد يوموت بسبب الدواء والاب وافق هيوموت على ابنته والناس واقفة حواليه انت اللي موتة - 00:12:50

انت اللي ضيعته. انت السبب في اللي حصل. انا والله ما قادر. انا ممكن اكون انا اللي جبت لنفسي باليديا المصايب اللي انا فيها. بس انا والله ما قادر استحمل يا رب. انا والله يا رب محتاج انك انت انا محتاج اغاثتك يا رب. انا محتاج تغيثني. انا محتاج الشفقة - 00:13:13

محتاج العطف محتاج الرأفة محتاج الموسعة. محتاج حد يقف جنبي ويستندني. محتاج حد ينقذني من ان انا اقع وانهار وكل حاجة تسود في حياتي. انا محتاج الطبطبة والحضن دي لحظة اما تكتشف اسم الله الرؤوف في حياتك. اما - 00:13:33

تشفي معنى اسم الله الرؤوف ويعني ايه رأفة الله. سبحانه وتعالى. يعني ايه رأفة ربنا سبحانه وتعالى؟ تعالوا ندخل في معنى اسم الله الرؤوف. لأن المعاني كتير اوي المعنى الاولاني لاسم الله الرؤوف. تعالوا يا جماعة نتكلم في معاني كتير - 00:13:53  
اول معنى العطوف. العطوف بس اول ما اتكلم عن معنى العطوف هتكلم عن معنى يعني كنت هأجله. بس نفسي اتكلم في الوقت اصل احنا كلنا محتاجين اوي في الزمن اللي انتشرت فيه المعاشي ده - 00:14:09

ازاي نرأف بالناس؟ ازاي نرأف ازاي لنا رب رءوف بنا؟ المعنى الاولاني يا جماعة اللي هبدأ به اللي بيحميك من السكك السوداء. اللي بيحميك من المعاشي اللي ربنا يعلم هي هتعمل وبال في حياتك قد ايه. اللي بيحميك عشان كده ربنا كلمك عن النار كتير اوي في القرآن ليه؟ كلمك عن يوم القيمة كتير ليه؟ كلمك عن القبر - 00:14:22

كتير ليه؟ ده ده رحمة. ويحذركم الله نفسه. ليه؟ والله قهار جبار والله رءوف. والله رءوف بالعباد من رأفتة بيحذرك عشان ما تعانيش عشان ما تدخلش السكك السوداء برجليك بيحزرك من المعصية. اسألني كل واحدة وقعت في الفاحشة. اسألني كل واحدة عملت علاقة محمرة - 00:14:42

مع واحد اسألها سكتها بقت سودا قد ايه؟ حياتها اسودت قد ايه؟ دنيتها ضاعت قد ايه؟ اسألني اسألني كل واحدة قبلت انها تصور مقطوع والعياذ بالله ابا حي ولا حاجة. نص ساعة بالwolf مؤلفة اسألها حياتها اتدمرت قد ايه. اسألها حياتها اتحطمت قد ايه اسأل.  
اسأل اسأل كل - 00:15:05

واحد شرب مخدرات واسأله في الآخر بيته خرب قد ايه وحياته اتحطمت قد ايه وخسر كل حاجة في حياته قد ايه. اسأل كل واحد

كل اسألوا اسألوا بركة الدنيا وبركة العمر اتحقت من حياته قد ايه. اسألوا كل واحد مشي في سكة غلط عشان تعرفوا ليه ربنا لما قال

- 00:15:25

ويحدركم الله قال والله رؤوف. رأفة ربنا دي كلمة اب يا جماعة. ده كلمة اب وربنا ارافق بنا من ابائنا. ده كلمة اب يا جماعة اما يقول لابنه يا ابني انا مش عايزك تعاني في الدنيا دي. يا ابني انا مش عايزك تتعب زي ما انا تعبت. يا ابني انا مش عايزك تتبهدل في الحياة. يا ابني اسمع - 00:15:45

كلامي. يا ابني زاكر. يا ابني اعمل كذا. يا ابني اشتغل. يا ابني شف مصلحتك. يا ابني ما تصاحبش فلان اللي هيضيعك. يا ابني ما لكش دعوة بكزا يا ابني انا مش عايزك تتعب في الدنيا دي كلمة اب يا جماعة. الرؤوف ده الرؤوف ده ما فيش حد في الدنيا كلها يقدر يرافق بك زي ربنا. ولله المثل الاعلى - 00:16:05

ربنا بيقول لكم كلكم ضال. طب الحل ايه يا رب؟ استهدوني. بس كده يا رب اهدينا بس كده. كلكم جائع. طب الحل يا رب استطعموني. بس كده بس كده. كلهم عار. طب الحل ايه يا رب؟ استكتسونني. يا رب اكسوننا واطعمتنا - 00:16:25  
واهدينا بس كده بس كده. استهدوني استطعموه نستكتسونني. استشفوني استدفعوا الضربى. بس. ارفع ايديك تاكل سلبا الله الرؤوف مش هيسيبيك. مش هيسيبيك وانت عاري. مش هيسيبيك وانت جعان. مش هيسيبيك وانت تايه. مش هيسيبيك وانت متعزب. مش هيسيبيك وانت مظلوم - 00:16:45

رؤوف عشان اللحاظات السوداء في حياته ده ايه؟ تعرف ان لك رب لا يمكن هيسيبيك. ربنا الرؤوف بيظنك ان لا يمكن اتخلى عنك لا يمكن هيسيبيك تتعزب. لا يمكن هيسيبيك تتبهدل لا يمكن هيسيبيك تعاني. بس رح اقف على بابه. وازا سألك - 00:17:05

عبدادي عنى فاني قريب. ده ربنا بقى يعني كل معاملته للعبد انما الاية الثانية. امن يجib المضطر المضطر هنا الرؤوف بقى. اللي هو خلاص يا رب انا في لحظة سودة في حياتي. يا رب. يا رب ما تسبنيش. ما تسبنيش. امن يجib المضطر بس خدي بالك اذا دعان -

00:17:25

اذا دعىكم واحد فقيركم واحد طبقة كادحة لو قام الوقت اتوا وصلى ركعتين هيتغير في حياته حاجات كتير. كم واحد مريض لو قام الوقت بكم له دموعه. امي - 00:17:45

الناس بكم لو شافت دموعك ما بتسيبكيش وري له دموعك. وري له دموعك. عيطي له عيطي عيطي. حسي بمشكلتك وانت ساجدة بين ايدين لحد ما تعطي. عيط لما ربنا يشوف دموعك. ربنا الرؤوف مش هيسيبيك. سبحانه وتعالى. يبقى المعنى الاولاني - 00:17:58

انا ابوي بكم اعظم كمان رأفة من الاب اللي ما بيسيبكيش تدخل نفسك في سك المعصية فيحدرك ويوجهك وممكن يمنع عنك المعاصي وما يسيبكيش تدخل في السك الضلعة والسك السوداء. المعنى الثاني العطوف - 00:18:18

العاطفة هو ينفع اقول ربنا عطوف لان باب الاخبار اوسع من باب الاسماء والصفات. فده مش اسم لربنا. ربنا مش اسمه العطوف. ولكن ده خبر. يعني - 00:18:34

مجاهد الامام مجاهد بيقول وحنانا من لدنا قال وتعطفا من الله علي. يعني ممكن اوصف ربنا بالعطاف اطوف سبحانه وتعالى. يعني ايه العطوف يا جماعة يعني ايه الرؤوف عطوف عارفين قصة ابراهيم ابن ادهم لما راح يحج مراته فقيرة معدمة اولاده معدمين - 00:18:44

وهو الشوق هرم قلبه. طلع يحج مش قادر. طلع يحج. اولاده جعائين. فمعدى واحد من الامراء. فشاف بيت فقير فقر رهيب وحالة فبص كده فصابوا عليه الرأفة واتحركت في قلبه قال لهم مين ده؟ قالوا له ابراهيم ابن ادهم. ابراهيم ابن ادهم يعني مسلا مش الشيخ الشعراوي بقى الوقتي كمان اكبر كمان. يعني - 00:19:04

الله يرحم الشيخ الشعراوي ومشايخنا جميعا. ابراهيم ابن ادم قام ماسك صرة دنانير مليانة دهب في دهب. وقام راميها. الناس كلها بكت من الفرحة والبنت بنته قالت هزه نزرة نزرة لنا عبد. نزرة رأفة. نزرة رأفة من عبد خلتنا اغنية في لحظة. فكيف لو نظر لنا الله -

امال نظرة رأفة من الخالق. اذا كان دي نزرة رأفة من المخلوق. اومال نزرة رأفة من الخالق؟ ساعات نروح في استكشافات لاسر فقيرة تلacci واحد ومحاج دواء بسبع تمن تلاف جنـيه وعنهـ ازمـات وعنهـ مشـاكل وعنهـ قضايا. تلacci كلـ الفريق اللي رايـح يستـكشف جـري يـسعـي في حاجـة ويـبـهـدـلـوا نفسـهم وـطـلـعـت - 00:19:46

دي رأفة مخلوق. مرة واحد والله فقير ما انساهوش الله يرحمـهـ مـاتـ. بـكـيـ فيـ الـاخـرـ. اـنتـ بـتـعـمـلـواـ معـهـ كـدـهـ ليـهـ؟ اـنتـ بـتـعـمـلـواـ معـهـ كـدـهـ ليـهـ؟ يقولـ ليـ يـحمـيـهـ لـانـهـ مـدـةـ منـ المـرـضـ ماـ اـسـتـحـمـاـشـ والـليـ اـشـتـرـىـ لهـ مـرـوـحةـ والـليـ جـابـ لهـ اـكـلـ والـليـ جـابـ لهـ دـوـاءـ والـليـ اـتـصـلـ لهـ وـعـمـلـ لهـ اـتـصـالـاتـ عـشـانـ حـاجـاتـ مـهـمـةـ فيـ حـيـاتـهـ هوـ رـاجـلـ مـشـلـوـلـ قـاعـدـ اـصـلـاـ قـاعـدـ - 00:20:06

وفـقـيرـ ومـرـمـيـ وـمـاـ لـوـشـ حدـ فيـ الدـنـيـاـ. سـبـحـانـ اللهـ العـظـيمـ. الرـاجـلـ بـكـيـ. اـنتـ دـيـ رـأـفـةـ مـخـلـوقـ وـمـالـ رـأـفـةـ الـخـالـقـ. اـمـالـ رـأـفـةـ رـأـفـةـ مـخـلـوقـ زـيـ عـلـيـ اـبـنـ اـبـيـ طـالـبـ رـضـيـ اللـهـ عـنـهـ وـارـضـاهـ. بيـقـولـ لوـ كانـ الفـقـرـ رـجـلـاـ لـاقـاتـلـتـ المـقاـتـلـةـ دـيـ يـعـنـيـ حـيـاةـ اوـ مـوـتـ. يـعـنـيـ اـقـتـلـهـ اوـ يـقـتـلـنـيـ. يـعـنـيـ اـنـاـ مـسـتـعـدـ اـمـوـتـ عـشـانـ الفـقـرـاءـ مـاـ يـعـنـوـشـ - 00:20:26

اناـ مـسـتـعـدـ اـتـقـتـلـ بـسـ المـرـضـ وـالـمـساـكـينـ مـاـ يـعـاـنـوـشـ. دـهـ دـرـقـ! دـهـ دـيـ رـأـفـةـ مـخـلـوقـ. اـمـالـ رـأـفـةـ الـخـالـقـ سـبـحـانـهـ وـتـعـالـىـ. قـادـمـ لـلـقـضـاـةـ. رـبـنـاـ اـدـىـ لـهـ رـأـفـةـ مـنـ اـيـامـ دـيـ حـقـيـقـةـ فـيـ مـصـرـ القـاضـيـ دـهـ. رـبـنـاـ يـرـأـفـ بـهـ زـيـ مـاـ رـأـفـ بـهـ زـيـهـ الـمـرـأـةـ. فـدـخـلـتـ وـاحـدـةـ سـتـهاـ تـتـحـبـسـ فـيـ سـبـعـ تـلـافـ جـنـيهـ. شـبـكـ بـسـبـعـ تـلـافـ جـنـيهـ. فـقـالـ لـهـ يـاـ - 00:20:47

ستـيـ اـنـتـ لـيـهـ خـدـتـيـ السـبـعـ تـلـافـ جـنـيهـ؟ قـالـتـ لـهـ وـالـلـهـ دـوـلـ الفـ جـنـيهـ بـسـ بـسـ هـوـ الرـاجـلـ اللـيـ مـاضـيـ سـبـعـ سـبـعـ تـلـافـ عـلـيـ وـاـنـاـ اـصـلـاـ دـافـعـةـ مـنـهـمـ جـزـءـ اـنـاـ كـنـتـ بـادـفـعـ لـهـ سـتـيـنـ جـنـيهـ فـيـ الشـهـرـ - 00:21:07

وـاـنـاـ مـاـ عـدـشـ مـعـيـ فـمـاـ قـدـرـتـشـ اـدـفـعـ لـهـ. فـالـقـاضـيـ قـالـ يـاـ سـتـيـ طـبـ اـبـشـريـ. رـبـنـاـ يـحلـلـهـ لـكـ. الرـاجـلـ اـسـتـشـعـرـ فـيـهاـ الصـدقـ. فـبـيـسـأـلـ المـحـاـمـيـةـ الرـاجـلـ مـاـ فـيـشـ مـشـ رـاضـيـةـ تـرـدـ قـامـ القـاضـيـ قـامـ مـطـلـعـ خـمـسـمـيـتـ جـنـيهـ مـنـ جـيـبـهـ وـقـالـ دـوـلـ بـدـاـيـةـ السـبـعـ تـلـافـ جـنـيهـ لـلـسـتـ. حـدـ يـسـاعـدـنـاـ يـاـ جـمـاعـةـ دـوـلـ اللـيـ فـيـ جـيـبـيـ الـوقـتـيـ. مـاـ اـتـكـسـفـشـ اـنـهـ يـعـمـلـ كـدـهـ. سـبـحـانـ - 00:21:17

وـالـلـهـ رـبـنـاـ يـرـأـفـ بـهـ. النـاسـ لـمـ اـتـلـمـوـلـاـهـ تـمـنـتـلـافـ جـنـيهـ. المـحـاـمـيـةـ اـتـصـلـتـ بـصـاحـبـ الـفـلـوـسـ قـالـ لـهـ اـنـاـ مـاـ عـادـ لـيـشـ حـقـيـ الـاـغـيـرـ خـمـسـمـيـةـ جـنـيهـ. خـدـيـ خـمـسـمـيـتـ جـنـيهـ يـاـ سـتـيـ اـهـوـ يـاـ مـحـاـمـيـةـ سـبـعـ تـلـافـ وـخـمـسـمـيـةـ القـاضـيـ اـدـاـهـمـ لـلـسـتـ الـفـقـيـرـةـ قـالـ لـهـ يـاـ سـتـيـ يـاـ غـلـبـانـةـ الـخـمـسـ قـالـ لـلـنـاسـ خـمـسـمـيـةـ اللـيـ اللـيـ الرـاجـلـ خـدـهـمـ لـعـلوـهـمـ الـخـمـسـمـيـةـ - 00:21:37

اـنـاـ اللـيـ طـلـعـتـهـمـ مـنـ جـيـبـيـ. عـاـيـزـينـ فـلـوـسـكـمـ وـلـاـ نـدـيـهـاـ لـلـسـتـ اـدـوـاـ الـفـلـوـسـ لـلـسـتـ خـرـجـتـ بـسـبـعـتـلـافـ وـخـمـسـمـيـةـ جـنـيهـ. دـيـ رـأـفـةـ يـاـ جـمـاعـةـ. دـيـ رـأـفـةـ مـخـلـوقـ. اـمـالـ رـأـفـةـ الـخـالـقـ جـمـيلـ قـويـ لـمـ يـبـقـيـ القـاضـيـ رـؤـوفـ وـدـكـتـورـ الـغـلـابـةـ رـؤـوفـ وـالـدـاعـيـ الـلـهـ رـؤـوفـ وـالـحـاـكـمـ رـؤـوفـ هـتـبـقـيـ الـدـنـيـاـ جـنـةـ. صـفـةـ الرـأـفـةـ دـيـ بـتـخـلـيـ الـدـنـيـاـ - 00:21:57

يـاـ جـنـةـ لـمـ بـتـيجـيـ رـأـفـةـ اللـهـ سـبـحـانـهـ وـتـعـالـىـ. يـبـقـيـ الـمـعـنـىـ التـانـيـ التـعـطـفـ. اـنـ رـبـنـاـ بـيـتـعـطـفـ عـلـيـناـ. اـنـ رـبـنـاـ هـيـعـطـفـ عـلـيـكـ مـشـ هـيـسـيـبـكـ. مـشـ هـيـسـيـبـكـ شـوـفـوـنـاـ نـزـرـاتـ الـعـطـفـ بـتـاعـةـ الـغـنـيـ الـعـطـفـ. بـيـعـمـلـ اـيـهـ لـمـاـ نـظـرـةـ - 00:22:17

الـعـطـفـ مـنـ رـبـنـاـ. الـمـعـنـىـ التـالـتـ مـنـ مـعـانـىـ اـسـمـ اللـهـ الرـؤـوفـ. مـعـنـىـ جـبـارـ فـيـهـ نـاسـ بـتـنـجـحـ فـيـ الـدـرـاسـةـ وـنـاسـ بـتـسـقـطـ. فـيـهـ نـاسـ مـنـ اللـيـ بـتـسـقـطـ بـقـىـ يـقـومـوـاـ مـنـجـيـنـهـمـ. لـيـهـ؟ يـقـولـ لـكـ درـجـاتـ رـأـفـةـ. يـعـنـيـ اـيـهـ درـجـاتـ رـأـفـةـ؟ يـعـنـيـ هوـ سـاقـطـ خـدـيـ بالـكـ بـقـىـ - 00:22:37

الـمـعـنـىـ دـهـ جـبـارـ. يـعـنـيـ هوـ سـاقـطـ بـسـ رـأـفـةـ بـهـ اـدـوـاـهـ درـجـاتـ رـأـفـةـ وـنـجـحـ. خـدـتـواـ بـالـكـمـ يـعـنـيـ اـيـهـ رـأـفـةـ؟ يـقـولـ لـكـ اـحـنـاـ مـمـكـنـ حـصـلـ لـهـ ظـرـفـ وـهـ جـايـ مـمـكـنـ ماـ كـانـشـ نـامـ كـويـسـ مـمـكـنـ فـيـ خـمـسـ ستـ درـجـاتـ فـرـقـ اـدـيـهـمـ لـهـ وـاـيـهـ وـطـلـعـوهـ رـأـفـةـ. يـبـقـيـ الرـأـفـةـ انـ وـاحـدـ يـسـتـاهـلـ اـنـهـ يـسـقـطـ وـلـكـ - 00:22:54

وـقـفـةـ بـيـنـجـحـنـاهـ. اـهـوـ دـهـ الـمـعـنـىـ الـجـبـارـ بـقـىـ. تـيـجيـ تـقـولـ لـوـاحـدـ اـدـعـيـ رـبـنـاـ وـقـلـ يـاـ رـبـ يـقـولـ لـكـ اـنـاـ مـاـ اـسـتـاهـلـشـ. هـوـ مـشـ بـيـدـيـكـ لـانـكـ تـسـتـاهـلـ. هـوـ بـيـدـيـكـ لـانـهـ الرـؤـوفـ. بـيـدـيـكـ لـانـهـ - 00:23:14

كـرـيمـ يـبـقـيـ اـسـمـ اللـهـ الرـؤـوفـ هـيـطـمـعـكـ فـيـ فـرـجـ اللـهـ. حـتـىـ لـوـ مـاـ اـسـتـاهـلـشـ. اـسـمـ اللـهـ الرـؤـوفـ هـيـطـمـعـكـ فـيـ اـجـابةـ

دعائك حتى لو ما تستاهليش اسم الله الرؤوف هيخليلك تجري على ربنا في كل لحزة سودة في حياتك. في كل لحزة الم في كل لحزة  
الم نفسي في كل لحزة اكتئاب. في كل - 00:23:24

في لحزة دين خلاص مش عارف تسدء ازاي. في كل لحزة اضطرار في كل لحزة زنقة امتحان. اسم الله الرؤوف هيخليلك تجري على  
ربنا في كل لحزة لحظة ازمة وانت موقن انه مش هيسيبيك ليه؟ ده انا ما استاهلش اصل هو الرؤوف. معنى خطير يا جماعة المعنى  
ده - 00:23:44

غير لي حياتي في الدعاء. لأن خلاص انا ما عادش رفعه ايدي مرتبطة بحال عبادي. صحيح العبادة بتزود اجابة الدعاء طبعا. وعلى  
قد ما بتعامل ربنا معاملة حلوة على قد ما - 00:24:04

بيعاملك احسن معاملة سبحانه وتعالى. ولكن طب افرض انا وحش. واحتاجتك يا رب. اقف على بابك ولا لأ؟ تعال. الرؤوف بيقول لك  
تعال مهما كنت عامل. مهما كنت يعني سودت الدنيا واحد من اخوانى راح يدعوا الى الله في دولة اوروبية مع اخوة - 00:24:14  
التبلیغ والدعوة ربنا يحفزهم ويبارك فيهم. فواحد جه قال له انا مراتي مقطوعاني ومتمرة علي تعال قل لها كلمتين. بيقول صاحبي ده  
حبيبي ده هو استاز في الجامعة بيقول راح يقول لمراته كلمتين لقى مراته مع راجل في فراش الزوجية بتزني - 00:24:34  
فيبيقول انا جاي اتكلم عن ربنا. انا اصلا كده في دولة اوروبية كلها موبقات اصلا. وكلها زنا والعياذ بالله. بيقول قعدت اكلهم هم  
الاتنين عن الاسلام. بيقول الرجل اسلم اسلم - 00:24:51

شووفوا الرؤوف الرجل بيذني وربنا بيرحمه من جهنم شووفوا يا جماعة الرجل بيخرجون زوج مع زوجته. وربنا بيرتب له النجاة من  
الخلود في جهنم بيقول الرجل اسلم وراح معه المسجد بقى فصاحب البيت بيجري ورا صاحبي ده بيقول له طب ومراتي هو يا  
عني شكله يعني الغيرة عنده فيها اشكالية شوية. قال له طب ومراته قال له ما دام - 00:25:01  
الشيطان اللي في حياتها مشي مراتك هتستقيم لك بازن الله. سبحانه وتعالى. الرؤوف اتوقع الخير من الرؤوف في كل مشكلة. توعقي  
الخير من الرؤوف في كل ازمة. توقع الخير من الرواف. اجري عليه بقى قل يا رؤوف. يا رؤوف انا ما استاهلش بس انت رؤوف. يا  
رؤوف يا رب يا رؤوف ارافق بي. انا عندي - 00:25:23

امتحانات ومش قادر انا انا مديون يا رب وخلاص اتفضح. انا يا رب في مشكلة انا يا رب مريض. انا يا رب عندي عندي الام نفسية  
رهيبة. انا يا رب باعاني - 00:25:43

المشكلة عندي انا يا رب خلاص انا مش قادر استحمل ان انا مراتي انا وهي هنطلق. يا رؤوف انا مش قادرة استحمل ان عيالي  
يتشردوا. يا رؤوف هو ده رؤوف بقى. هو ده الرؤوف بيقى ده المعنى الثالث. المعنى الرابع - 00:25:53

انا الرابع ده يا جماعة عارفين لما تيجي ايام الامتحانات ويقوم الدكتور بتاع المادة يشيل تلات اربع ابواب عن الطلبة يخفف المنهج  
عنهم. اهو ده رأفة بقى. يعني ايه الرؤوف بقى هنا؟ شووفوا بقى المعاني المنهمرة دي. اولا اللي يقدر زروفك. ده الرؤوف. اللي ما هو  
يعني ايه رأفة؟ رأفة يعني انا - 00:26:08

زروفك. يعني انا حاسس بضعفك. حاسس باللي انت فيه. حاسس. يعني قدر زروفك. يعني انت ايام ما كنت طالبة في الجامعة كنت  
بتختمي المصحف في كل اسبوع وكتت دلوقتي معك اربع عيال شالينك وطلبات جوزك شالاك وقفه منهارة من البكاء وانت بتطبخ  
يا رب عايزه اعبدك ما قدرش - 00:26:29

مالك الركعتين اللي بتصليلهم الوقتي دول بيميت ركعة من بتوع زمان. سنك كبير وانت شاب كنت مكسر الدنيا في الدعوة وكتت مقطع  
الدنيا في العبادة ما عدتش قادر تعمل اللي انت كنت بتعمله. كبرت او مرضت. الرؤوف مقدر زروفك. والركعتين منك دلوقتي بالف  
ركعة من زمان. اتشغلت - 00:26:49

وانت في عنق الزجاجة الوقت بتتجهز عشان تتجوز ما حدش عندك وقت تحضر دروس كتير زي زمان. يا دوبك بتسمع درس في  
الاسبوع ولا حاجة. يدوبك حاجات يدوبك بتصللي نص ساعة قيام ليل الرؤوف مقدر زروفك. الرؤوف مقدر. انت انت عندك عندك  
انشغالات جت في حياتك. بتاخذ دواء - 00:27:09

والدواء مهبطك وهدك. وما انتاش قادر عندك انزلاق غضروف في وبيدولك ادوية بسيطة للعضلات بتنييمك خمستاشر ساعة في اليوم  
ومش قادر ومقهور على العبادات اللي بتفوتك. الرؤوف مقدر زروفك. الرؤوف اللي بيقدر زروفك ده الرؤوف. عشان كده يا جماعة لو  
كان مراد ربنا - 00:27:29

منك ان كمية العبادة وربنا خلقك ليه؟ عمرك ما هتعبد ربنا زي ما الملايكة عبده. امال مراد ربنا منك ايه اومال ايه مراد ربنا؟ مراد ربنا  
انك تعبد رغب زروفك. ساعتها عبادتك تبقى اغلى عند ربنا من عبادة الملايكة. لأن الملايكة لو وراه جواز ولا وراه عيال ولا -  
00:27:49

تجري على على دفع فواتير وايجار شقة ولا بتمرض ولا بتتعب ولا بتهدب ولا بتروح ولا بتحتاج تأكل ولا عندها شهوة الجسدية ولا  
الملايكة ما عندهاش انت كل ده عندك. وسط الزروف ده كلها بقى الرؤوف بيقدر. عشان كده الحمد لله تملأ الميزان. ليه؟ لأنه رؤوف -  
00:28:07

مقدار الكلمة منك سبحانه وتعالى. الرؤوف اللي مقدر زروفك. الرؤوف اللي بيقدر نفسيتك بيقدر انك عايز تفهم عشان كده القرآن بدأ  
بالرؤوف. الحمد لله، يعني قولوا الحمد لله، الحمد لله، الحمد لله ليه كده؟ قل الحمد لله كده وخلاص - 00:28:27  
مش ربنا قال لك قل الحمد لله لأ ربنا ما عملش كده الحمد لله ليه؟ عشان هو رب العالمين عشان هو الرحمن عشان هو الرحيم. عشان  
هو ما لك يوم الدين. شوفوا ربنا بيقول لك قل الحمد لله ويبيقول لك الحمد لله. تقولها ليه؟ يعني يعني - 00:28:45  
ربنا مقدر انك انت انسان تحتاج تفهم. تحتاج تستوعب. تحتاج تحس تحتاج تعيش. الرؤوف رأفة بك سبحانه وتعالى. الرؤوف اللي  
يقدر ضعفك. ودي قصة خطيرة جدا جدا. يعني ايه اللي يقدر ضعفك؟ حتى الشريعة كلها كده كانوا خمسين صلاة خلهم لك  
خمسة - 00:29:00

آآ وانت مسافر وانت مريض بقى فيه رخص. بيقى الرخص دي ضمن اسم الله الرؤوف. اللي مقدر سهل عليك الشريعة. بيقى ده  
الرؤوف سبحانه وتعالى. او مال حدود للرحيم بقى. هنتكلم فيها لما نيجي نشوف الفرق بين الرؤوف والرحيم. يعني ابني وقع آآ<sup>آ</sup>  
امبارح فالولد بيعيط وبيسخر - 00:29:18

ها امه عملت ايه وانا عملت ايه؟ الام هنا في الموقف ده تجري ضنايا ابني حبيبي. ما لك؟ الاب يقوم واقف كده ومبتسم. ايه يا عم ما  
استاز شاطر الاب قلبه بيتفرم زيه زي الام بالزبط وممك اكتر منها. ولكن الام مش قادرة رأفة. الاب بيتعامل بالرحمة بقى. لأن انا عايز  
ابني بيقى راجل. انا عايز ابني اقدمه للحياة - 00:29:38

للحياة. فلازم اوهله ان فيه الف واقعة ممكن يوقعها في مستقبله هي عمل ايه؟ وهي تعامل ازاي؟ فده الفرق بين الرأفة والرحمة  
هنتكلم فيهم بازن الله سبحانه وتعالى بعد كده. انما احنا لا نزال - 00:29:58

في معاني اسم الله. الرؤوف اللي يقدر ضعفك. يعني ايه اللي يقدر ضعفك؟ يعني فيه شهوة، فيه حرام. اداك الف بديل حلال لكل  
حاجة حرام. الله! لأنهم الخمرة حلوة فيه مليون عصير. فيه لحم الخنزير فيه مليون نوع لحمة مشوية كل حاجة. اللي برضو اللي اداك  
- 00:30:08

الف طريق للتوبة والمغفرة والرحمة. ما انا وقعت في زنب اتبع السيئة الحسنة تمها. بس كده بس كده. طب يا ربنا بقى لي سنين يا  
رب اعمل ايه؟ ليلة النصف من شعبان. ليلة اخطر ليلة في حياتك. كل حاجة تروح بس ربنا يغفر لك سبحانه وتعالى. اداك الف طريق  
للفردوس الاعلى. الفردوس - 00:30:28

الاعلى اذا سألتم الله فأسأله الفردوس الاعلى. بكلمة يا رب اداك الف طريق لراضاه. لدرجة ان السواك مرضاه للرب. حتة خشبة تحطها  
في بقل ترضيه عشان يتناسب الدين مع طاقات البشر كلهم. عشان ما فيش انسان يقول لك مش عارف ارضيه عشان ربنا يرأف  
بجميع العباد. فالقوى يعرف يصوم والغبي يعرف يتصدق - 00:30:48

والشجاع يعرف يجاهد. والضعف المريض الغلبان يذكره. كل واحد بيقى عنده الطريق لربنا سبحانه وتعالى. عشان كده لهدينهم  
سبلنا سبلنا. الدسوقي كتير اوسي اوسي. عشان كل واحد يلاقي نفسه مع ربنا سبحانه وتعالى. اداك الف طريق لانك تحصن

الصالحين - 00:31:08

مین اللي قعده قblk الف سنة؟ يجاهدوا ويغدوا ربنا زي ليلة القدر ومواسم العبادة رمضان وعشر زي الحجة وعاشروا ليه؟ عشان ربنا يرفع اسمها الرأفة يا جماعة. الرأفة انه يعلم ضعفك. فاداك طرق كتير اوي تناسب معك. وخف عنك الدين والرخص وعشان كده لولا اسم الله الرؤوف كتب - 00:31:28

الحياة بقت لا تطاق. لو كان ربنا عاملك بالحق والمستحق. لو كان كل زنب من زنوبك عقوبته نزلت والرؤوف ما حجب العقوبة عنك. كانت حياتك اتدمرت لو كان ربنا تمن طلب منك تمن كل نجاح من نجاحات حياتك من الاسباب والامكانيات. لولا الرؤوف كانت الدنيا بقت معانا في معانا. لولا - 00:31:48

كان القبر بقى كله مشقة. كان يوم القيمة بقى كله مشقة لأن زي ما هنتكلم ان شاء الله المرة الجاية الرؤوف يوم القيمة. الرؤوف في القبر. الرؤوف عند الموت. الرؤوف مع المزنيين - 00:32:08

اقف مع التائبين الرؤوف مع الصالحين. الرؤوف في حياة البشر كلهم ايه! الرؤوف عمل ايه؟ لكل الدنيا بجميع انواعها والله رؤوف بالعباد دي ايه وان الله بالناس لرؤوف. يعني ربنا مش رؤوف بالصالحين بس. ورؤوف بالدنيا كلها والناس كلها مرتين في القرآن. ربنا رؤوف الناس - 00:32:18

سبحانه وتعالى. عشان كده لو كان ربنا طلب منك تمن كل حاجة نفسك فيها بجد من غير درجات الرأفة. من غير ما يرأف بك من غير تسهيل ربنا من غير هاتها من عندك جمايل يا رب. كانت الحياة بقت معانا ومعانا. وعزاب في عزاب. وكان كل نعمة عشان تاخدها - 00:32:38

كنت هتدفع تمن غالى جدا جدا. يبقى دي الوقفة آآ الثالثة والرابعة والخامسة مع اسم الرؤوف. آآ ايه كمان معنى الرؤوف؟ الرؤوف اللي يقدر لحزة فشل. حتى لحزة الفشل. يعني طالب في السانوية العامة وما جابش مجموع النهاردة الرؤوف مش هيسيبيه. بس رح له - 00:32:58

واحنا قلنا من يجيب المضرر بس ايه ازا دعاء. اذا دعاء. ما هو مش بيسيبيك. الرؤوف من معاني الرؤوف يا جماعة اه كل الحكم يقول لك انا عايز ارفع المعانا عن الشعب. لأ هو ربنا اللي يرفع المعانا عنك. في الاخر ما بيرفعوش حاجة. الرؤوف اللي مش هيسيبيك تعاليش - 00:33:18

عشان كده واحد فقير. فقير طب ربنا ساب الفقراء ليه؟ يا ابني ما هو الفقير اللي ساب ربنا؟ ما الفقير يقف على باب ربنا ويأخذ واحدة فقيرة واحد صاحبنا في استكشاف فتعامل معها غلط دعت عليه. حياته اتملت مصائب. رجع بيوس ايديها عشان تسامحه. قلت سبحانك يا رب! طب دي بدل ما كانت تدعى عليك - 00:33:35

تقف وتقول يا رب ارزقني. مستجابة الدعاء وما هييش عارفة. مستجابة الدعاء وما هييش عارفة. سبحان الله العظيم! فتن عن اجاية الدعاء اللي ربنا اداها لها بالازمات والتفكير في الهموم اللي هي فيه. فانت اقف على بابه. كل المنتحرین لو كانوا جروا عليه. لو كانوا - 00:33:53

عليه وصرخوا له زي ما انقذ المنتحر بتاع امريكا وهو بيلف حبل المشنقة حوالين رقبته. وبتو ع التبليغ والدعوة بيخبطوا على بابه. انا اشوف فيه ايه! تحول الى داعي من - 00:34:13

الدعاء الرؤوف اجري عليه. اجري عليه ما تيأسش. ما تيأسش اسم الله الرؤوف معنوي عشان اللحزة دي. عشان اللحزة السودة دي عشان اللحزة اللي الدنيا اسودت في وشك داهي اسم الله الرؤوف ربنا قاله عشان هزه اللحزة يعني فالرؤوف اللي مش هيسيبيك تعاني - 00:34:23

واسعة الزنب واسعة الفشل مش هيسيبيك. بس انت الجا اليه. ايه تاني معاني اسم الله الرؤوف؟ من معاني اسم الله الرؤوف يا شباب آآ الذي احيانا بيبقى الحاجة اللي انت نفسك فيها فيها مشقة. في رفع المشقة عنك. هو ده الفرق بين الرؤوف الرحيم بقى. ايه الرحيم؟ الرحيم اللي انت - 00:34:42

فيه حاجات كتير اوكي في الحياة ما فيش فيها مشقة اصلا لانك انت ربنا خلقها كده. يعني الشمس انت مش لو الشمس دي كانت اقرب او ابعدت كنت عشت جليد او حر نار - 00:35:01

وكان الغلاف الجوي نسبة الاكسجين مش كده ربنا يريحك في الحياة من غير ما تحس! من غير ما تحس دي الرحيم! الرحيم!  
فالرحيم يا اما ما تحسش ان فيه اصلا مشقة يا اما يبقى فيه مشقة ولكن ربنا هيحميك بها من حاجة اسوأ الف مرة. زي ما بتدي لابنك - 00:35:11

فهو بيغطي بس ممكن هييجي له تسمم في الدم دي مصيبة. او تسمم في المخ ربنا يحفزنا ويحفز احبابنا يا رب. يبقى الرحمة دي الرحمة. اومال ايه الرأفة ان فيه مشقة انا داخل امتحانات دكتوراة صعبة جدا. وربنا يشيل المشقة عنك - 00:35:31  
ان انت نازل مسلا وراك مهم وربنا يشيل يشيل مشقة طلب الرزق. يشيل المشقة. فتلaci الدنيا بقت جميلة وسهلة. زي ما هنتكلم بعد كده زي في غزوة تبوك غزوة تبوك رهيبة. وسايبين السمار ورقبتهم هتتدبحو. الحر كأنه سكينة هيدبح رقبتهم. ربنا عمل ايه بقى؟  
اهي دي بقى - 00:35:49

ثم تاب عليهم ليتبوا انه بهم رؤوف. الرؤوف بقى ما بيسبيكش ساعة المشقة داهيت. يبقى اللي بيشيل عنك المشقة في الحياة. يعني ايه عshan كده من المعاني بتاعة الرؤوس يا جماعة المتتساهم. اللي بيسهل لك الدنيا. اللي بيسهل لك الامور - 00:36:09

الدنيا والحياة. يعني ايه التساهيل؟ ده معنى جبار بقى. معنى جبار ومعنى خطير جدا. ومعنى اه يعني عظيم جدا اه ومحتج  
وقفة اه يعني ايه التسهيل بتاعة امور الحياة؟ يعني تسهيل - 00:36:29

تسهيل الشفاء فكشفنا ما به من ضر. الكشف ده كان واحد اتشال عنه الغطا متخيلا! يعني المفسرين بيقولوا ان الامراض المزمنة زي  
بتاعة سيدنا ايوب ديت واحد بقى له تمنتاشر سنة مريض سكر ولا سرطان ولا لما يتصال المرض يتصال في لحظة! فكشفنا - 00:36:45

تسهيل الشفاء. تسهيل النوم. فيه ناس ما بتنامش غير بمهدئات ومنومات. فيه ناس بتعاني وبتكافح عشان تنام. الصحابة في المعركة.  
وربنا بيقول اذ يغشيكم النعاس امنة. يغشيكم النعاس من عند ربنا كده - 00:37:01

يقوم راسه تقع كده لوحده. ايه السهولة دي! النوم بقى سهل اوكي. يسهل لك يسهل الموت. زي ما ملك الموت اعطى لسيدنا ابراهيم  
فاعطاه ريحانة فشمها ريحانة وردة جميلة فشمها فقبض فيها. ده ده روایة زكرها ابن حجر في فتح الباري. يعني الموت بقى بيسهم  
وردة - 00:37:17

يسهل لك يسهل لك الرزق. يأتيها رزقها رغد. الرزق هو اللي جاي لك. مش انت اللي بتسعى له. يسهل لك الشفاء. فكشفنا ما به من دور  
يسهل لك النصر. فاذا دخلتموه فانكم غالبون يسهل الفتوحات. والنصر والانتصارات في فازا دخلتموه فانكم - 00:37:36  
طالبون يسهل الهدایة. واذن في الناس بالحج يأتيوك رجالا وعلى كل ضامر يأتيينا من كل فج عميق. ازن بس بييجوا. يعني احنا بتطلع  
عنينا في الجولات والدعوة والدروس واقناع الناس ونادرا اما حد بيلتفت - 00:37:56

لازم لا لا ااما ربنا يسهل هداية الناس بقى. سبحانه وتعالى يسهل لك الجواز. فجاءته احدهما هي اللي جا العروسة اللي جاية. مش  
هو اللي قعد يليف ويجري ويدور وبقى له اربع سنين بيدور ومش عارف يلاقي. فجاءته احدهما يسهل لك - 00:38:11  
يسهل لك الجماع. الجماع يعني لو واحد يتزوج واحدة فيه ناس يا جماعة ما يعرفش يعني اللقاء الزوجي من غير ادوية ومن غير  
موضوع يسهل لك الجماع ربنا سبحانه وتعالى - 00:38:28

سبحانه وتعالى يقول فلما تغشاها حملت حملًا خفيفا فمررت الالية دي من معجزات التيسير. في الحياة وربنا بيقول على سيدنا سليمان  
هذا عطاء هنا فمن او امسك بغير حساب. بعض المفسرين قالوا انه امسك في جماع زوجاتك وملك اليمين. يعني سيدنا سليمان  
بيقول هجامع ميت امرأة - 00:38:42

النهاردة بييجوا بميت راجل يجاهد في سبيل الله. ومنين ده امن او امسك بغير حساب. تيسير الجماع تيسير حدوس الحمل فيه ناس

بقي لها عشر سنين نفسها مراتها تحمل. فلما تغشها حملت. ايه ده بالسهولة دي يا رب! تيسير حدوس الحمل. تيسير التسع شهور على المرأة بقى. 00:39:02

وتعبان. تيسير دول حملت حملًا خفيفا فمررت به. ايه اليسر ده؟ طب تيسير الولادة بقى؟ فلما وضعتها في سورة الـ عمران فلما وضعتها قالت ربى اني وضعتها وضعتها ده وضع ده واحد جاب حاجة وحطها كده هي الولادة ممكنت بقى سهلة كده تيسير تيسير كل حاجة يا جماعة تيسير تربية الأطفال - 00:39:20

بدل ما عينيك تطلع فيهم. قام تقبلها ربيها بقبول حسن وابتتها نباتا حسنا. تيسير الاختراعات العسكرية والتنمية والنهضة في الدولة ان له الحديد ايه دها اه ربنا بيلين السنن الكونية. لمن يشاء من عباده - 00:39:40

تيسير تيسير كل حاجة تيسير النجاح. تيسير تغيير شخصيتك والتخلص من عيوبك. تيسير العبادة والصلة تيسير الطريق في التغيير فسنيسره لليسرى. تيسير الملك والعز والسلطان وشددنا ملكه. هو كل حاجة ممكنت بايد ربنا بالمنزد ده - 00:39:56

كل حاجة سهلة تيسير المغفرة قال رباني ظلمت نفسي فاغفر لي فغر له. بس كده بس كده تيسير المغفرة تيسير تيسير زوال السحر والحسد يا عائشة اشعرت ان الله قد افتاني؟ يا تصدقى يا عائشة ان بصلاة ليلة واحدة ربنا يزهب السحر بتاع اليهود عنى - 00:40:16

تخيلي تيسير العلاج السحري والحسد والعين والكلام ده كله. تيسير التخلص من الاعداء وتيسير الحفظ. لما النبي شاف الصورين كورتين في ايده بيقول فنفختهما فتارة اللي هم الاسود العنси ومسيلمة الكذاب يعني كلبشنين ربنا طيرهم في سانية. فنفختهم - 00:40:36

فطر تيسير الاصلاح لحالك. واصلاح قلبك يصلحه الله في ليلة. تيسير يا جماعة. ربنا قادر انه ييسر كل حاجة. التسهيل عليك يا رب يعني ايه الرؤوف؟ يعني التسهيل منك يا رب. يعني انت اللي بتسللها من عندك يا رب. يعني انت اللي قادر يا رب. يعني هاتها من عندك جمائيل يا رب. يعني انت يبقى - 00:40:56

يسيرة بتيسير الله سبحانه وتعالى. طيب هنتكلم بعد كده في باقي المعاني بقى يا جماعة. نلم لان انا كنت متخيبل والله سبحانه الله ان انا هجيب اسم الله الرؤوف في نص ساعة اعتقاد ان احنا داخلين على ساعة الا ربع وانا مش عايز اطول عليكم. اعتقاد ان احنا داخلين على الساعة الا ربع واحنا بنتكلم عن بعض معاني اسم الله الرؤوف ده - 00:41:16

لسة دالسة فيه معاني خطيرة في اسم الله الرؤوف لسة فيه معاني عظيمة في اسم الله الرؤوف لسة فيه معاني كبيرة وجباره. فضل ومنة الله سبحانه وتعالى. نراجع بقى اللي احنا خدنا مع بعض النهاردة. ايه الرؤوف؟ الرؤوف - 00:41:36

اواف قلنا اللي العطوف. العطوف يعني شفتم طبيب الغلابة الله يرحمه دكتور مشاري وهو وغيره من اخوانه الاطباء. شفتم القاضي الرؤوف شفتم بتوع الجمعيات الخيرية شفتم الامير اللي رأف ببيت ابراهيم ابن ادهم وادا لهم سروة ييجي ميت الف ميتين الف مليون جنيه في - 00:41:50

لحزة شفت رأفة ربنا بقى ربنا ده رأفة الخالق. يعني رأفة المخلوق دي لا شيء. شفتم رأفة الام لما تشواف دموعك ووري له دموعك. المعنى تاني اللي مش شرط تكون تستاهل عشان يديك. يبقى ما تقولش ادعويه ازاى وانا ما استاهلش؟ لأن درجات الرأفة بتبقى ساقطه ورأفة بك - 00:42:10

ينجحوك. ربنا يرزقنا النجاح في الدين والدنيا والآخرة يا رب. يبقى اذا الرؤوف اللي بيديك ويفتح عليك ويكرملك حتى لو ما تستاهلش. لانه الرؤوف. رقم ثلاثة ثلاثة قلنا الرؤوف اللي آآآزي بالضبط اما دكتور المادة يشيل عنك بابين كده او نص المنهج قبل الامتحانات رأفة وزروف كورونا مش كورونا. الرأف - 00:42:30

يبقى المعنى الثالث اللي بيقدر زروفك المعنى الرابع اللي بيقدر ضعفك. اللي بيقدر ضعفك عشان كده معك تلات عيال سنك كبر مرضت بتاخذ دوا هدك الركعتين بتوعك دول غالبيين عنده اوبي. ما تزععش الرؤوف مدرك. المعنى الرابع اللي مقدر ضعفك. عشان كده اداك الف طريق. الف بديل لكل شهوة حرام. الف طريق - 00:42:50

النوبة والمغفرة لو وقعت الف طريق للفردوس الاعلى الف طريق لرضاه. الف طريق لانك تحصل زمان في الاذمنة الغابرة كانوا بيقدعوا  
الف سنة يجاهدوا في سبيل الله. خف عنك الدين بالرخص. يبقى ده المعنى الرابع. المعنى الخامس للرؤوف سبحانه وتعالى. اللي  
بيقدر - 00:43:14

فشك ولحزة الزنب عندك اتبع السيئة الحسنة تمحها. المعنى السادس للرؤوف اللي ما بيسبيكش تعاني. اللي مستحيل يسيبيك تعاني سبانه وتعالى اللي بيرحمك بقى في لحذات ضعفك الرهيبة ولحذات وقعتك وانهيارك داهيت عشان كده ساعة واحد عايز ينتحر واحد في فقر - 00:43:34

اجري على ربنا. اجري على الرؤوف شف الرؤوف هي عمل لك ايه. يبقى اللي مش هيسيبك تعاني وبيرفع عنك المعاناة. المعنى السابع اللي بيحميك من الطرق السوداء من المعصية اللي هتؤدي حياتك كلها في الام ومشاكل. عشان كده يذكركم الله نفسه. والله رؤوف.  
اسألوا كل متبرجة كل واحدة مش - 00:43:53

العلاقة حرام مع راجل. كل واحد شرب مخدرات. كل واحد مشي في سكة افلام اباحية. كل واحد مشي في سكة زلم ولا مال حرام.  
أسألهم شوفو حياتهم اسودت قد ايه عشان كده من رأفته كلمك كتير عن النار والقبر لانه رؤوف والقيامة عشان زي ما الاب يحزرك  
من المستقبل مش عايزك تتبهدل يا ابني في - 00:44:13

ولا تعانى في حياتك ده سبع معانى. المعنى التامن الذى يعطيك النعم بلا الم. اللي بيذع المشقة من حياتك زي ما اتكلمنا كده عن تيسيرات حياة الصالحين. عن التسهيل المتساهل. المتساهل زي ما هو بقى لبعض العلماء. يعني فيه واحد ما بينجحكش غير نقطة بنقطة - 00:44:33

ربنا بيسهلها عليك. اللي بيجيها لك جمايل من عند سبحانه وتعالى اللي حياة الصالحين خلاها اية من اياته في السهولة. سهولة موت سهولة نوم سهولة زواج سهولة رزق سهولة نصر سهولة شفاء سهولة مغفرة سهولة زوال سحر وحسد سوء -

اسهولة اصلاح قلب. سهولة يسهل لك كل حاجة في حياتك. وده معنی جبار. ان شاء الله لما نقف معه في خطبة الجمعة بقى منفصلة ان شاء الله بازن الله في معنی السهولة. يا جماعة - 00:45:14

اسم الله الرؤوف. اوعى الدنيا وقتى بقى يقول لك الجنى بييجي بطلاع الروح. ليه؟ لأن الناس ما عادتش بتراڤ بعض. تلاقى واحد يرمي امه من البلكونة لأن عندها كورونا واحد يرمي مراته من البلكونة اللي عندها كورونا واولاد يقفلوا على امهم البيت لحد ما تموت لأن عندها كورونا وكمسرى قطر واحد يقول له ما عبيش فلوس ادفع يرميه يقول له انزل من القطر الواد - 00:45:24

ينزل تحت عضلات عجلات القطر يموت ما فيش رأفة. فلما بقى ما فيش رأفة من قلوب الناس تجاه بعض خلاص ما عدناش بنتعامل بالرأفة الا من رحم الله سبحانه وتعالى. فبقيت الحياة صعبة وبقى الجندي بييجي بطوع الروح. لو رأفنا ببعض ربنا هيرأف بنا -

او بعد يعني نفترق بقى على هذا المعنى الجبار. معنى اسم الله الرؤوف. ندع الله الرؤوف. لحد ما نلتقي تاني بازن الله. اللهم يا رؤوف. اللهم بحالنا. اللهم اشف صدورنا. اللهم يا رؤوف اذهب الهم والغم عنا. اللهم ارأف بحالنا. اللهم يسر نجاحنا يا رب - 00:46:00  
او فيسر فلاحنا يا رؤوف. اللهم ادي الديون عنا يا رؤوف. اللهم ربى لنا اولادنا يا رؤوف. اللهم يسر لنا امورنا يا رؤوف. اللهم سهل لنا نفسياتنا يا رؤوف. اللهم سهل لنا امورنا يا رؤوف - 00:46:20

اللهم عاملنا برأفتک يا رءوف يا رحيم. عاملنا برأفتک يا رب لا نستحق کرمک وعطاءک. ولكن لا لنا عنك يا رءوف يا رحيم. فاعطنا برأفتک واکرمنا برأفتک وجود علينا برأفتک. اللهم عاملنا برأفتک تب علينا - 40:46:00

يا رَوْفَ اغْفِرْ لَنَا يَا رَوْفَ اصْلَحْ احْوَالَنَا يَا رَوْفَ بَنَا وَبِاَذْوَانَا وَبِاَوْلَادِنَا وَبِمُشَايِخِنَا وَبِاحْبَابِنَا اَرَافَ بِالْمُذْنِبِينَ وَتَبْ عَلَيْهِمْ.  
ارأْفَ بِالصالِحِينَ وَساعِدْهُمْ وَاعْنِهِمْ. اَرَأْفَ بِالامْوَاتِ وَادْخِلْهُمْ الْفَرْدَوْسَ الْاعُلَى. اَرَأْفَ بَنَا - 00:47:00  
اَيَا رَوْفَ يَا عَظِيمَ الرَّأْفَةِ وَالرَّحْمَةِ يَا رَبَ اَرَأْفَ بَنَا يَا رَوْفَ يَا رَحِيمَ. سَبَّحَنْكَ اللَّهُمَّ وَبِحَمْدِكَ اشْهَدُ اَنَّ لَا إِلَهَ اِلَّا

انت استغفرك واتوب اليك. جزاكم الله خيرا - 00:47:20